

本邦經方之最者也。性全不詳何許人。自言和氣末孫。而跋語中間及建長圓覺寺等事。則知其居鎌倉也。或以鹿苑相公押字爲仕。鹿苑相公。今推之年代。性全若在鹿苑時。則年當百十餘歲。此恐不爾也。蓋斯書當時秘而不出。人罕觀者。性全又有頓醫抄。五十卷。竹田月海冒以此書名。是以世傳爲萬安方者。率皆頓醫抄耳。豈月海素此書而不得。渴仰之至。姑以此稱彼乎。閱野卜幽東見記。此書國初以前。收在建仁寺大統庵。啓迪院法印本。酬以白金十苞得之。此本即舊出岡本氏。辛亥夏五家大人。從秘府而借命家弟及門人。謄寫之。周載始完。爲架橐重寶矣。其第八卷。第十八卷。闕佚已久。無由補抄。殊可恨也。寬政癸丑春正月二十有七日。丹波元簡書。

〔東見記〕下梶原性全。日本醫師。萬安方五十冊作。鹿苑院義滿袖判在焉。建仁寺大統庵有此醫書。或時醫玄治法印。買取銀十枚。性全又作頓醫抄。在江城公方御文庫。煩字ノ訓。ホトヲルト付ルモ此人也。

〔京華集〕靈蘭集。叙京兆源君請

古人曰。達則願爲良相。不達則願爲良醫。又曰。爲政之道。與爲醫同。誠哉此論。惟我日本國管領公川勝。元爲政之暇。旁游於醫矣。務在活人而已。於是乎。古今醫書。與方隱籙。此秘未觀者。扶其華括其要。晝鈔夜纂。門分類聚。雜以倭字。便於觀覽。哀成一集。名曰靈蘭。蓋取神農室名也。命予爲叙。按本草。上藥爲君。以應天。中藥爲臣。以應人。下藥爲佐。使以應地。而蘭者。君藥也。殺盡毒辟不祥。久服長年不老。以通神明。以至仲尼鼓琴乎。魯屈子紐佩乎。楚或山林。或階庭。惟德惟馨。蘭之爲靈。昭々矣哉。源公德兼三才。威被四海。其叙世系。侯王將相。其醫國家也。君臣佐使。定社稷之安危。問民之疾苦。抑天下之所以爲天下。皆源公之力也。豈不盛乎。相與醫達與不達。不足論焉。於戲。蘭百草靈也。人萬物之靈也。神農榜室。源公名集。可併按焉。昔惠日雅禪師著禪本草。有謂曰。佛祖以此藥療一切衆生病。號大醫王。源公平日參禪學道。雖云唐裴相國。宋張無盡。不敢多讓也。然則靈蘭集與禪本草。相與表裏。以行于世。所謂大醫王。非源公而誰也耶。文明四年歲在壬辰。臈吉日。橫川景三。